



Broj: 10-33-12475/20  
Sarajevo, 04.11.2020. godine

Ministarstvo zdravstva Kantona Sarajevo, rješavajući po zahtjevu Ustanove socijalne zaštite Dom za starije osobe "Paradise", sa sjedištem na adresi Blažujski drum bb, Ilidža, za odobrenje pružanja usluga zdravstvene njege i rehabilitacije licima smještenim u ovoj ustanovi, na osnovu člana 94. stav 3. Zakona o zdravstvenoj zaštiti („Službene novine FBiH“, br. 46/10 i 75/13), člana 70. st. 1. i 2. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05) te člana 200. Zakona o upravnom postupku („Službene novine Federacije BiH“ br. 2/98 i 48/99), a u vezi sa odredbama Pravilnika o uvjetima prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo („Službene novine Federacije BiH“ broj 80/15), d o n o s i

### **RJEŠENJE**

1. Odobrava se Ustanovi socijalne zaštite Dom za starije osobe "Paradise", sa sjedištem na adresi Blažujski drum bb, Ilidža, pružanje usluga zdravstvene njege i rehabilitacije licima smještenim u ovoj ustanovi, obzirom da ista ispunjava propisane uvjete za rad u pogledu prostora, opreme i stručnog kadra.

2. Ovo rješenje upisano je u Registar izdatih odobrenja za pružanje usluga zdravstvene njege i rehabilitacije licima smještenim u ustanovama socijalne zaštite, koji se vodi kod ovog ministarstva, pod rednim brojem 9/IIIB.

### **Obrazloženje**

Ministarstvu zdravstva Kantona Sarajevo obratila se, dana 05.10.2020. godine, Ustanova socijalne zaštite Dom za starije osobe "Paradise", sa sjedištem na adresi Blažujski drum bb, Ilidža, za odobrenje pružanja usluga zdravstvene njege i rehabilitacije licima smještenim u ovoj ustanovi. Pomenuti Zahtjev je upotpunjen dana 20.10.2020. godine, čime su dostavljeni svi potrebni dokumenti kao dokaz da su spunjeni uslovi u pogledu prostora, medicinske opreme i stručnog kadra za navedeno, propisani čl. 5. i 6. i članom 7. st. 1., 2., 3., i 7. Pravilnika o uvjetima prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo („Službene novine Federacije BiH“ broj 80/15).

Pomenuta ustanova posluje u skladu sa Rješenjem Ministarstva za rad, socijalnu politiku, raseljena lica i izbjeglice Kantona Sarajevo broj: 13-04/2-31-8402/20 od 14.09.2020. godine, koje je dostavljeno uz zahtjev.

Uz Zahtjev su dostavljeni i potrebni dokumenti kao dokaz da su ispunjeni uslovi u pogledu prostora, medicinske opreme i stručnog kadra za navedeno, propisani čl. 5. i 6. i članom 7. st. 1., 2., 3., i 7. Pravilnika o uvjetima prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo („Službene novine Federacije BiH“ broj 80/15).

S tim u vezi, Privremeni vršilac funkcije ministra zdravstva Kantona Sarajevo je imenovao Stručnu komisiju Rješenjem broj: 10-33-12475/20 od 21.10.2020. godine, koja je dana 29.10.2020. godine izvršila neposredni uvid na licu mjesta, o čemu je sačinila Zapisnik, na temelju kojeg je doneseno ovo rješenje.

Zapisnikom je konstatovano da je za pružanje usluga zdravstvene njege i rehabilitacije obezbijeden odgovarajući poslovni prostor, koji se sastoji od: prostorije za prijem i pregled pacijenata sa sanitarnim čvorom, prostorije za intervenciju sa sanitarnim čvorom, prostora za čuvanje lijekova, sanitetskog materijala i dezinfekcionih sredstava, prostorije za fizikalnu terapiju i sanitarnih čvorova za pacijente, a svi prostori su funkcionalno povezani.

Sanitarna saglasnost na predmetni poslovni prostor data je Rješenjem Kantonalne uprave za inspeksijske poslove – Inspektorata sanitarne, zdravstvene i farmaceutske inspekcije i inspekcije za hranu broj: UP-1-14-10/06-33-25268/20 od 25.09.2020. godine. Shodno navedenom, ispunjeni su uslovi propisani članom 5. pomenutog pravilnika.

Za pružanje navedenih usluga obezbijedena je medicinska oprema u skladu sa članom 6. naprijed navedenog Pravilnika. Sva oprema je vlasništvo Ustanove socijalne zaštite Dom za starije osobe "Paradise". Za opremu su Ministarstvu zdravstva Kantona Sarajevo uz zahtjev dostavljeni računi o izvršenoj kupovini.

Poslove zdravstvene njege, rehabilitacije i medicinske konsultacije u Ustanovi će obavljati odgovarajući stručni kadar. U punom radnom vremenu za pružanje navedenih usluga, u Ustanovi će biti uposlen sljedeći kadar: 1 (jedan) medicinski tehničar, 1 (jedan) fizioterapeutske tehničara i 2 (dvije) medicinske sestre/tehničari rasporedene na radno mjesto njegovateljice. Također, Ustanova će angažovati po osnovu ugovora o pružanju usluga: 1 (jednog) doktora medicine specijalistu fizikalne medicine, opće medicine i akupunktura koji će voditi brigu o zdravlju korisnika, 1 (jednog) doktora medicine specijalistu neuropsihijatra i 1 (jednog) doktora medicine specijalistu ortopeda. Za stručni kadar koji će biti uposlen u stalnom radnom odnosu, kao i kadar koji će biti angažovan u ustanovi, Ministarstvu zdravstva Kantona Sarajevo su dostavljeni personalni dokumenti.

U skladu sa naprijed navedenim, ispunjeni su uslovi u pogledu stručnog kadra propisani članom 7. st. 1., 2., 3. i 7. Pravilnika o uvjetima prostora, opreme i kadra kojima se osiguravaju mjere zdravstvene zaštite za obavljanje zdravstvene njege i rehabilitacije u ustanovama socijalne zaštite na području Kantona Sarajevo.

Imajući u vidu sve naprijed navedeno, a u skladu sa važećim zakonskim i podzakonskim propisima koji regulišu oblast zdravstva, odlučeno je kao u dispozitivu ovog rješenja.

Za izdavanje ovog rješenja uplaćena je kantonalna administrativna taksa u iznosu od 55,00 KM, u skladu sa Zakonom o administrativnim taksama ("Službene novine Kantona Sarajevo" br. 30/01 - prečišćeni tekst 22/02, 10/05, 26/08 i 23/16).

Protiv ovog rješenja može se izjaviti žalba Federalnom ministarstvu zdravstva, u roku od 15 dana od dana prijema istog.

Žalba se predaje ovom ministarstvu neposredno ili poštom preporučeno i taksira se po 6,00 KM administrativne takse u skladu sa pomenutim zakonom.

**PRIVREMENI VRŠILAC  
FUNKCIJE MINISTRA**

Jasna Agić

**DOSTAVITI:**

1. Ustanova socijalne zaštite Dom za starije osobe "Paradise"  
Blažujski drum bb, Ilidža,
2. Inspektorat sanitarne, zdravstvene i farmaceutske  
inspekcije i inspekcije hrane  
Aleja Bosne Srebrne bb, Sarajevo
3. Federalno Ministarstvo finansija  
Porezna uprava – Kantonalni ured Sarajevo, Ispostava Ilidža
4. Arhiva

